

պետն նստուցին, որ առաքինութեամբ եւ բարի վարուք վկայեալ էր: Եւ զայնպիսի արտաքսեալն վասն չար գործոց իւրոց դու ընդունեցար, զնա՛, որ այն մասնաւոր աթոռոյն արժան չի համարեցան, դու զնա ընդհանրական աթոռոյն փոխանորդ եղիր. նա որ զիւր տունն աւերէց, այս է զՎարագ, դու զնա Էջմիածնայ շինող համարեցար. այլն տողաթաւորքն աշխարհական գոլով իմացան զնորա չար լինելն, եւ դու կաթողիկոս գոլով ոչ իմացար. նոցա դառն երեւեցաւ վասն այն ոչ ընդունեցան, այլ քեզ քաղցր երեւեցաւ, վասն այն ընդունեցար: Նոյնպէս ամենայն չարք եւ հերձուածողք ընդունելք են քեզ եւ սիրելի, եւ ողջափառք եւ պարկեշտք՝ ասելի են քեզ եւ թշնամի. եւ ոչ թէ միայն ընդունեցար այլ քեզ փոխանորդ կացուցեր եւ նուիրակ առաքեցեր, որ յինչ տեղ որ գնաց աղմկով եւ խռովութեամբ ելից: Մանաւանդ քան զամենայն մեծ չարիք այս են, որ զքո ձեռագիրն տարաւ փափուն ետուր թէ ես վարդապետօք եւ եպիսկոպոսօք եւ ժողովրդօք հնազանդիմք Հռոմայ եկեղեցւոյն, եւ ընդունիմք զժողովն Քաղկեդոնի եւ զտոմարն Ղեւոնի, եւ նզովեմք զԳէոսկորոս եւ զհամախոհքն նորա, եւ ասեմք ի Քրիստոս երկու բնութիւն եւ երկու կամք: Եւ զայս ձեռագիրս օրինակն փափն տուեր պասմա գրոյ եւ յողարկեր է ի Ղեհ. նոյնպէս եւ յամենայն տեղիս թէ Հայք ի մեր հաւատն են եկեր: Այլ եւ ի Վանատիկու Հայերուն թուղթ է եկեր այս բանիս համար ի բազում տեղիս. եւ այս